

# SAMANTEKT

Samantekt þessi er útbúin í samræmi við 7. gr. reglugerðar framkvæmdastjórnarinnar (ESB) nr. 2017/1129 og grein 3 í framseldri reglugerð framkvæmdastjórnar (ESB) nr. 2019/979.

## A. Inngangur með varnarorðum

Samantektin skal lesin sem inngangur að lýsingu Kvikú Fjarskiptainniðs hs. (hér eftir „Kvika Fjarskiptainniðir“, „útgefandi“ eða „sjóðurinn“) sem samanstendur af samantekt þessari, útgefandalýsingu og verðbréfalýsingu, dagsettum 7. nóvember 2022 (hér eftir „lýsing“). Samantektin er í fjórum hlutum: a) Inngangur með varnaðarorðum; b) lykilupplýsingar um útgefandann; c) lykilupplýsingar um verðbréfin; og d) lykilupplýsingar um viðkomandi almennt útboð og töku til viðskipta á skipulegum markaði.

Fjárfestar skulu taka ákvörðun um að fjárfesta í verðbréfum útgefnum af Kvikú Fjarskiptainniðum á grundvelli lýsingarinnar í heild sinni. Fjárfestum er bent á að gera eigin sjálfstæðar kannanir á þeim þáttum sem sérstaklega geta átt við fjárfestingu þeirra í verðbréfum. Hver fjárfestir verður að byggja ákvörðun um fjárfestingu í verðbréfum á eigin athugunum og greiningu á þeim upplýsingum sem fram koma í lýsingunni. Fjárfestum er bent á að hægt er að leita ráðgjafar sérfræðinga, svo sem hjá bönkum, verðbréfafyrirtækjum og sparissjóðum, til aðstoðar við mat á verðbréfum útgefanda sem fjárfestingakosti. Fjárfestum er bent á að þeir gætu tapað allri eða hluta af fjárfestingu sinni í verðbréfum útgefanda. Fjárfestum er ráðlagt að skoða lagalega stöðu sína og þau skattalegu áhrif sem fjárfesting í verðbréfum útgefnum af útgefanda kunna að hafa og leita óháðrar ráðgjafar í því tilliti.

Ef farið er fyrir dómstóla með kröfu sem varðar upplýsingar í lýsingunni gæti fjárfestir sem stefnir þurft að greiða kostnað af þýðingu á lýsingunni áður en málarekstur hefst. Einkaréttarábyrgð fellur eingöngu á þá aðila sem útbúið hafa samantektina þ.m.t. þýðingu á henni, en eingöngu ef hún er villandi, ónákvæm eða í ósamræmi við aðra hluta lýsingarinnar, eða ef hún veitir ekki, þegar hún er lesin með öðrum hlutum lýsingarinnar, lykilupplýsingar til að aðstoða fjárfesta við mat á því hvort fjárfesta skuli í viðkomandi verðbréfum. Útgefandi lýsir því yfir að lýsing sú sem samantekt þessi er hluti af var tekin saman í tengslum við töku skuldabréfa útgefnum af Kvikú Fjarskiptainniðum til viðskipta á skipulegum markaði Nasdaq Iceland hf. Ekki er veitt leyfi til notkunar lýsingarinnar í neinum öðrum tilgangi.

<b>Lögformlegt heiti/viðskiptaheiti:</b>	Kvika – Fjarskiptainniðir hs. / Kvika Fjarskiptainniðir
<b>Höfuðstöðvar og heimilisfang:</b>	Katrínartún 2, 105 Reykjavík, Ísland
<b>Vefsíða:</b>	<a href="https://www.kvikaegnastyring.is/sjodastyring/fagfjarfestasjodir/kvika-fjarskiptainniðir-hs/">https://www.kvikaegnastyring.is/sjodastyring/fagfjarfestasjodir/kvika-fjarskiptainniðir-hs/</a>
<b>Símanúmer:</b>	+354 522-0010
<b>LEI númer:</b>	2549006EIN12KBWEG184
<b>Auðkenni útgáfu:</b>	KFI 21 1
<b>ISIN:</b>	IS0000033678
<b>Lögbært yfirvald sem staðfesti lýsinguna:</b>	Fjármálaeftirlit Seðlabanka Íslands, kt. 560269-4129, Kalkofnsvegi 1, 101 Reykjavík, tölvupóstfang: <a href="mailto:lysingar@sedlabanki.is">lysingar@sedlabanki.is</a>
<b>Lýsing dagsett:</b>	7. nóvember 2022

## B. Lykilupplýsingar um útgefandann

Hver er útgefandi verðbréfanna?

Kvika - Fjarskiptainniðir hs., kt. 570521-9930, Katrínartúni 2, 105 Reykjavík, er sérhæfður sjóður um sameiginlega fjárfestingu stofnaður samkvæmt 5. tl. 17. gr. laga nr. 45/2020 sem eingöngu er

markaðsettur fyrir fagfjárfesta. Sjóðurinn er rekinn af Kvikú eignastýringu hf. sem hefur starfsleyfi samkvæmt lögum nr. 161/2002, um fjármálafyrirtæki, til rekstrar verðbréfasjóða og starfsleyfi til rekstrar sérhæfðra sjóða, skv. lögum nr. 45/2020.

Sjóðurinn var stofnaður sérstaklega í þeim tilgangi að ávaxta þá fjármuni sjóðsins sem aflað er með sölu skuldabréfaflokksins KFI 21 1 með því að fjárfesta í lánsamningum við félögin Nova Sendastaði hf. og S8108 hf., sem tengjast kaup- og endurleigu á óvirkum farsímmainnviðum Sýnar hf. og Nova hf. Daglegur rekstur er lítill að umsvifum og er rekstraraðili sjóðsins ábyrgur fyrir daglegum rekstri sjóðsins og kemur fram fyrir hönd hans.

Um útgefanda og rekstraraðila hans gilda reglur laga nr. 45/2020, um rekstraraðila sérhæfðra sjóða. Sjóðurinn er ekki sjálfstæður lögaðili sem lýtur eigin stjórn en hefur engu að síður sjálfstæðan fjárhag og standa aðeins eignir sjóðsins til fullnustu á skuldbindingum hans sbr. 71. og 72. gr. laga nr. 45/2020, um rekstraraðila sérhæfðra sjóða.

Kvika eignastýring á 100% útgefina hlutdeildarskírteina í Kvikú – Fjarskiptainnviðum hs. Útgefanda er ekki kunnugt um að hann sé beint eða óbeint í eigu eða undir yfirráðum einhvers aðila. Útgefanda er ekki kunnugt um annað eignarhald í Kvikú. Jafnframt er útgefanda ekki kunnugt um neitt fyrirkomulag sem síðar geti haft í för með sér breytingar á yfirráðum útgefanda.

Í samræmi við 70. gr. laga nr. 45/2020 um rekstraraðila sérhæfðra sjóða fer rekstraraðili útgefanda með stjórn og stýrir daglegum rekstri útgefanda. Stjórn og framkvæmdastjórn er því í höndum rekstraraðila útgefanda. Hannes Frímánn Hrólfsson er framkvæmdastjóri rekstraraðila.

Endurskoðendur útgefanda á því tímabili sem sögulegar fjárhagsupplýsingar taka til í lýsingu þessari var Deloitte ehf., kt. 521098-2449, Smáratorgi 3, 201 Kópavogi og fyrir þeirra hönd Pálína Árnadóttir og Guðmundur Ingólfsson, löggiltir endurskoðendur og meðlimir í Félagi löggiltra endurskoðenda.

### Helstu fjárhagsupplýsingar útgefanda:

#### Í töflunum hér að neðan má sjá rekstrarreikning og efnahagsreikning útgefanda

Í eftirfarandi töflu er rekstrarreikningur Kvikú Fjarskiptainnviða fyrir fjárhagsárið sem lauk 31. desember 2021.\*

	Árið 2021
Vaxtatekjur	7.381
Vaxtagjöld	(19.307)
Verðbætur	11.479
Gengismunur	824
<b>Hreinar fjármunatekjur</b>	<b>378</b>
Umsýsluþóknun	(565)
Annar rekstrarkostnaður	(86)
<b>Rekstrargjöld alls</b>	<b>(650)</b>
<b>Afkoma færð á hlutdeildarskírteini</b>	<b>(272)</b>

\*Fjárhæðir eru í þúsundum króna

Vaxtatekjur og vaxtagjöld eru færð í rekstrarreikninginn eftir því sem þau falla til og er miðað við aðferð virkra vaxta. Virkir vextir eru þeir vextir sem afvaxta vænt framtíðar sjóðstreymi yfir áætlaðan líftíma fjármálagernings til bókfærðs heildarvirðis fjáreignarinnar eða afskrifað kostnaðarverðs fjárskuldarinnar.

Í eftirfarandi töflu er efnahagsreikningur Kvikú Fjarskiptainnviða fyrir árið 2021.\*

	<b>2021</b>
<b>Eignir</b>	
Skuldabréf	5.452.707
<b>Fjárfestingar samtals</b>	<b>5.452.707</b>
Innlán hjá fjármálafyrirtækjum	17.970
<b>Aðrar eignir samtals</b>	<b>17.970</b>
<b>Eignir samtals</b>	<b>5.470.677</b>
<b>Skuldir</b>	
Skuldabréfaútgáfa	5.453.168
Skammtímaskuldir	16.630
Aðrar skuldir	650
<b>Skuldir samtals</b>	<b>5.470.449</b>
<b>Hrein eign</b>	<b>228</b>
<b>Skuldir og hrein eign samtals</b>	<b>5.470.677</b>
Fjöldi útgefina hlutdeildarskírteina	500
Gengi hlutdeildarskírteina	0,46

*\*Fjárhæðir eru í þúsundum króna*

Langtímaskuldir útgefanda er skuldabréfaflokkurinn KFI 21 1 og er verðtryggt jafngreiðslubréf með 3,05% föstum vöxtum.

Engar mikilvægar breytingar á fjárhags- eða viðskiptastöðu útgefanda hafa átt sér stað frá lokum síðasta fjárhags tímabils þann 31. desember 2021.

### **Helstu áhættuþættir sem eru sértækir fyrir útgefandann**

Almennir efnahagslegir þættir, svo sem hagvöxtur, verðbólga, atvinnustig, vaxtastig og gengisskráning íslensku krónunnar, hafa áhrif á rekstur útgefanda.

### **Mótaðilaáhætta**

- Mótaðilaáhætta fjárfesta vegna skuldabréfanna er sú að útgefandinn standi ekki við skuldbindingar sínar samkvæmt skuldabréfunum. Útgefandi skuldbindur sig til að endurgreiða skuldabréfin á gjalddaga með tekjum sínum og eignum. Ef mótaðilar Kvikú Fjarskiptainnviða í viðskiptum standa ekki skil á skuldbindingum sínum gagnvart útgefanda er hætta á að sjóðinum reynist ómögulegt með að standa skil á skuldbindingum sínum samkvæmt skuldabréfunum. Standi útgefandi ekki við skuldbindingar sínar samkvæmt skilmálum skuldabréfanna getur það haft í för með sér fjárhagslegt tjón fyrir fjárfesta, þrátt fyrir þau úrræði sem fjárfestar hafa skv. skilmálum skuldabréfanna.

### **Rekstraráhætta**

- Útgefandi býr við almenna rekstraráhættu þó daglegur rekstur sé umfangslítill. Áhætta í rekstri útgefanda er að miklu leyti tengd framkvæmd á fyrirliggjandi fjárfestingastefnu sjóðsins. Auk þess er til staðar vegna útvistarar á starfsþáttum, auk áhættu vegna mistaka og svika, svo sem ef mistök verða hjá rekstraraðila, við mat á fjárfestingum eða að reglum útgefanda sé ekki framfylgt, t.d. ef innri ferlar og upplýsingatækni er ófullnægjandi.
- Útvistararáhætta er áhætta tengd minni yfirsýn og stjórn ásamt hugsanlegum auknum kostnaði í tengslum við útvistun verkefna útgefanda til þriðja aðila eða því að útvistuð þjónusta muni ekki vera í samræmi við gerða útvistunarsamninga.

- Stjórnunar- og starfsmannaáhhætta er sú áhætta sem fólgin er í að stjórnun, skipulag og þekking innan útgefanda nægi ekki á hverjum tíma til að takast á við þau viðfangsefni sem þarf að leysa. Rekstraraðili útgefanda fer með stjórn og stýrir daglegum rekstri hans og ber lögum samkvæmt að hafa getu, þekkingu og verklag sem nauðsynlegt er til að sinna starfseminni með tilhlýðilegum hætti. Sjóðstjóri útgefanda er starfsmaður rekstraraðila. Þrátt fyrir að rekstur og stjórnun útgefanda sé einföld er ekki hægt að útiloka að t.d. brotthvarf starfsmanna sem sinna verkefnum útgefanda geti haft áhrif á hann.
- Bilanir í upplýsingakerfum, tölvubúnaði og tengingum, ásamt tölvuvírusum og árásum tölvuprjóta geta haft áhrif á starfsemi útgefanda og getu til þess að birta réttar upplýsingar á réttum tíma. Útgefandi þarf að hafa aðgengi að rafrænum gögnum, sinna skýrslugjöf til stjórn og eftirlitsaðila og uppfylla kröfur sem snúa að reikningshaldi og aðgerðum gegn peningabætti og fjármögnun hryðjuverka. Þrátt fyrir að leitast sé við að lágmarka áhættu upplýsingakerfa, sem heyrir undir tölvudeild rekstraraðilans er ekki hægt að útiloka að upp komi aðstæður sem valdi útgefanda tjóni.

### Lagaleg áhætta

- Um útgáfu skuldabréfanna gilda íslensk lög svo sem þau voru við staðfestingu lýsingar þessarar. Skuldabréfin eru verðbréf í skilningi 63. tl. 4 gr. laga nr. 115/2021 um markaði fyrir fjármálagerninga og eru rafrænt skráð, sbr. lög nr. 7/2020 um verðbréfamiðstöðvar, uppgjör og rafræna eignaskráningu fjármálagerninga. Að auki ber félaginu að fylgja lögum, reglugerðum og reglum sem gilda um útgefendur verðbréfa sem tekin hafa verið til viðskipta eins og þau eru á hverjum tíma, m.a., lög nr. 20/2021 um upplýsingaskyldu útgefanda verðbréfa og flöggunarskyldu, lög nr. 60/2021 um aðgerðir gegn markaðssvikum, reglugerðir og reglur settar á grundvelli fyrrnefndra laga, svo sem reglugerð nr. 977/2021 um tilkynningar um raunveruleg eða möguleg brot á lögum um aðgerðir gegn markaðssvikum og reglur nr. 320/2022 um aðgerðir gegn markaðssvikum. Að auki við þau lög sem varða verðbréfaviðskipti og útgáfu skuldabréfa þá er útgefandi bundinn af íslenskri skattalöggjöf eins og hún er á hverjum tíma, svo sem lögum um tekjuskatt nr. 90/2003, lögum um stimpilgjald nr. 138/2013. Skattalöggjöf kann að breytast með neikvæðum afleiðingum fyrir fjárfesta og útgefanda á líftíma skuldabréfanna.

## C. Lykilupplýsingar um verðbréfin

### Helstu eiginleikar verðbréfanna

<b>Tegund og flokkur verðbréfa:</b>	Verðbréfin sem taka skal til viðskipta eru skuldabréf útgefin af Kvikú Fjarskiptainnviðum. Skuldabréfin eru verðbréf í skilningi 63. tl. 4 gr. laga nr. 115/2021 um markaði fyrir fjármálagerninga og eru rafrænt skráð, sbr. lög nr. 7/2020 um verðbréfamiðstöðvar, uppgjör og rafræna eignaskráningu fjármálagerninga. Skuldabréfin eru bundin vísitölu neysluverðs til verðtryggingar á Íslandi gefin út af Hagstofu Íslands og er grunnvísitala skuldabréfanna 511,92 þann 13.12.2021 og bera 3,05% fasta vexti sem reiknast með dagareglu 30E/360.
<b>ISIN:</b>	IS0000033678
<b>Gjaldmiðill:</b>	Íslenskar krónur
<b>Nafnvirði:</b>	Heildarútgáfa er 5.433.861.650 og nafnverðseining í verðbréfamiðstöð er ISK 1,0
<b>Tímalengd:</b>	Skuldabréfin eru til 8 ára
<b>Réttindi:</b>	Engin sérréttindi gilda um skuldabréfin
<b>Réttihæð verðbréfanna:</b>	Skv. 10. gr. reglna sjóðsins skal greiðslum til sjóðsins ráðstafað í eftirfarandi röð: <ul style="list-style-type: none"> <li>a) Til greiðslu opinberra gjalda, s.s. stimpilgjalda og til greiðslu rekstrarkostnaðar sjóðsins, þ.m.t. umsýsluþóknun skv. 6. gr. reglna þessa.</li> </ul>

	<p>b) Í samræmi við skilmála skuldbindinga sjóðsins.</p> <p>c) Til greiðslu umfram endurheimta við fullnustu. Komi til þess að sjóðurinn þurfi að fullnusta þær tryggingar sem standa að baki lánsammans, skuldbréfa eða annarra eigna sjóðsins og sú fullnusta skilar endurheimtum umfram útistandandi kröfur sjóðsins, ber honum að leitast við að greiða slíkt til kröfuhafa í hlutfalli við fjárhæð kröfu þeirra.</p> <p>d) Afgangsstærðir við slit sjóðsins. Þeir fjármunir sem eftir standa í sjóðnum þegar framangreindir liðir hafa verið greiddir og öll hlutdeildarskírteini innlest miðað við hámarks arð, greiðast til rekstraraðila við slit sjóðsins.</p> <p>Kröfur skuldabréfaeigenda samkvæmt skuldabréfaflokki þessum eru ávallt jafnréttáar innbyrðis. Óheimilt er að veita öðrum jafnréttáum skuldbindingum sérstakar tryggingar fyrir greiðslu þeirra eða inna af hendi greiðslu nema sama hlutfall sé greitt til allra skuldabréfaeigenda. Kröfur vegna skuldabréfanna njóta sömu réttáæðar og almennar kröfur á hendur útgefanda komi til gjaldþrotaskipta.</p>
<b>Takmörkun á framsali:</b>	Engar takmarkanir eru á framsali skuldabréfa skv. útgáfu þessari.

### Hvar munu viðskiptin með verðbréfin fara fram?

Skuldabréfin voru gefin út þann 13. desember 2021 og eru rafrænt skráð hjá Nasdaq CSD SE, útibú á Íslandi. Sala og afhending fór fram gegn staðgreiðslu kaupverðs. Búið er að óska eftir töku til viðskipta á Aðalmarkaði Nasdaq Iceland.

### Eru verðbréfin með ábyrgð?

Á ekki við. Verðbréfin eru ekki með ábyrgð.

### Helstu áhættuþættir sem eru sértækir fyrir verðbréfin

- Fjárfesting í skuldabréfum felur í sér áhættu. Eigendur skuldabréfa geta tapað verðmæti fjárfestingar sinnar í skuldabréfum að hluta eða í heild. Skuldabréf bera markaðsáhættu sem felst í því að virði þeirra getur sveiflast samhliða hreyfingum á ávöxtunarkröfu skuldabréfa á mörkuðum. Ef ávöxtunarkrafa hækkar þá lækkar virði bréfanna og á hinn bóginn ef ávöxtunarkrafa lækkar þá eykst virði bréfanna. Margvísleg atriði geta orðið til þess að breytingar verða á mörkuðum með fjármálagerninga og þá á verði skuldabréfanna, s.s. almennt efnahagsástand, breytingar á vaxtastigi, lagabreytingar og ófyrirséðir atburðir eða áföll. Slík atriði eru utan áhrifasviðs útgefanda. Fjármálamarkaðir eru háðir rekstrarumhverfi sem stjórnvöld skapa á hverjum tíma. Breytingar á lögum og reglum sem gilda um fjármálamarkaði kunna að skapa óróa á mörkuðum og valda verðbreytingum á verðbréfum, þ.m.t. á skuldabréfum.
- Lausafjárahætta er hættan á því að útgefandi geti ekki staðið við fjárhagsskuldbindingar sínar eftir því sem þær gjaldfalla. Markmið útgefanda er að stýra lausafé þannig að tryggt sé að það hafi alltaf nægt laust fé til að mæta skuldbindingum sínum eftir því sem þær gjaldfalla. Skuldabréfin eru verðtryggð og eru afborganir greiddar skv. 30 ára jafngreiðsluferli með gjalddaga eftirstöðva á lokagjalddaga, 8 árum frá útgáfudegi. Útgefanda er heimilt frá og með þremur árum frá útgáfudegi að greiða útgáfuna upp hraðar eða að fullu áður en lokagjalddaga er komið, gegn greiðslu 1,0% uppgreiðslugjalds þar til fimm ár eru liðin frá útgáfudegi, en án uppgreiðslugjalds eftir þann tíma.
- Markaðsáhætta skuldabréfanna felst í þeirri áhættu sem ekki er hægt að eyða með dreifðu eignasafni skuldabréfa þ.e. að verð skuldabréfa sveiflist almennt á markaði, ávöxtunarkrafa markaðarins sveiflist almennt eða ávöxtunarkrafa til einstakra skuldabréfaflokka sveiflist. Ef

ávöxtunarkrafa hækkar þá lækkar virði skuldabréfanna og efávöxtunarkrafa lækkar þá eykst virði skuldabréfanna.

- Óvissa um framtíðarþróun vaxtastigs hefur í för með sér að fjárfestar í skuldabréfum með föstum vöxtum taka áhættu á að gengi skuldabréfsins lækki, ef vextir hækka. Því lengri sem lánstími skuldabréfa er og því lægra sem vaxtastigið er, þeim mun viðkvæmari eru skuldabréfin fyrir hækkun markaðsvaxta, að öðru óbreyttu. Skuldabréfin í flokki KFI 21 1 bera fasta 3,05% verðtryggða vexti og eru til 8 ára.
- Skuldabréfin eru bundin vísitölu neysluverðs (VNV) til verðtryggingar á Íslandi. Höfuðstóll skuldabréfanna breytist í hlutfalli við breytingar á vísitölunni frá grunnvísitölugildi fram til vísitölugildis á fyrsta gjalddaga og síðan í hlutfalli við breytingar á milli síðari gjalldaga. Miða skal við dagvísitölu við útreikning á afborgunum. Verðbótum skal bætt við höfuðstól áður en vextir eru reiknaðir.
- Seljanleikaáhætta skuldabréfanna felst í því að ekki reynist mögulegt að selja skuldabréfin á eftirmarkaði á þeim tíma, í því magni og/eða á því verði sem fjárfestar vilja. Verðmyndun á markaði getur verið óskilvirk af þessum orsökum sem veldur því að töluverður munur getur verið á kaup- og sölugengi. Þrátt fyrir að sótt verði um töku skuldabréfanna til viðskipta á skipulegum markaði Nasdaq Iceland er ekki hægt að ábyrgjast að skilvirkur markaður myndist með skuldabréfin. Ekki er fyrirhugað að halda úti viðskiptavakt með skuldabréfin.

## **D. Lykilupplýsingar um almennt útboð og töku til viðskipta á skipulegum markaði**

### **Samkvæmt hvaða skilyrðum og tímaáætlun get ég fjárfest í þessu verðbréfi?**

Útgáfudagur skuldabréfanna var þann 13. desember 2021 og nam útgáfan 5.433.861.650 kr. sem er útgáfuheimildin. Bréfin voru seld á pari og nam söluandvirði skuldabréfanna kr. 5.433.861.650. Skuldabréfin eru nafnbref, rafrænt skráð hjá Nasdaq CSD SE, útibú á Íslandi og verða tekin til viðskipta innan 12 mánaða frá útgáfudegi. Bréfin eru vistuð á vörslureikning viðkomandi fjárfestis hjá reikningsstofnun að hans vali. Hægt verður að eiga viðskipti með skuldabréfin á eftirmarkaði á líftíma bréfanna. Sala og afhending fór fram gegn staðgreiðslu kaupverðs. Skuldabréfin voru aðeins markaðsett til sölu fyrir fagfjárfestum, sbr. 9. tl. 2. gr. laga nr. 108/2007, um yfirtökur.

### **Hvers vegna er þessi lýsing gerð?**

Lýsing þessi er gerð í tengslum við umsókn Kvikú Fjarskiptainnviða um töku skuldabréfaflokksins KFI 21 1 til viðskipta á skipulögðum markaði Nasdaq Iceland hf. Áætlaður heildarkostnaður í tengslum við útgáfu skuldabréfanna og töku þeirra til viðskipta er kr. 2.388.574. Söluandvirði útgáfunnar var alls kr. 5.433.861.650 og nettósöluandvirði, að teknu tilliti til kostnaðar var kr. 5.431.473.076. Andvirði skuldabréfaflokksins var nýtt til að fjárfesta í lánsamningum við félög, sem tengjast kaup- og endurleigu á óvirkum farsímainsviðum Sýnar hf. og Nova hf.

Fyrirtækjaráðgjöf Kvikú banka hf. var ráðgjafi útgefanda og umsjónaraðili með sölu skuldabréfanna og hefur jafnframt verið með umsjón við gerð lýsingar útgefanda, vegna töku skuldabréfaflokksins til viðskipta og þiggur þóknun fyrir vinnu sína að þessum verkefnum. Athygli fjárfesta er vakin á hagsmunum útgefanda, Kvikú eignastýringar hf. og Kvikú banka hf. vegna töku skuldabréfa Kvikú Fjarskiptainnviða hs. til viðskipta á Aðalmarkaði Nasdaq Iceland.

- Kvikú banki hf. er eigandi Kvikú eignastýringar hf., rekstraraðila sérhæfða sjóðsins Kvikú – Fjarskiptainnviðir hs., sem er útgefandi skuldabréfaflokksins sem lýsing þessi fjallar um. Kvikú eignastýring er eini eigandi hlutdeildarskírteina útgefanda. Sjóðstjóri útgefanda er jafnframt starfsmaður Kvikú eignastýringar. Þá útvistar Kvikú eignastýring hf. regluvörslu og innri endurskoðun til Kvikú banka hf.

- Kvika banki hf. annast greiðslur útgefandans til skuldabréfaeigenda skv. skilmálum skuldabréfanna sem lýsing þessi tekur til.
- Kvika banki hf. er vörsluaðili útgefandans sbr. IV. kafla laga nr. 45/2020, um rekstraraðila sérhæfðra sjóða og annast jafnframt frekari verkefni samkvæmt útvistunarsamningi.
- Kvika banki hf. er viðskiptabanki útgefanda.
- Kvika eignastýring hf. sem rekstraraðili sjóðsins hlýtur umsýsluþóknun fyrir rekstur sjóðsins, 0,22% á ársgrundvelli af meðalstöðu heildareigna sjóðsins. Umsýsluþóknunin er greidd mánaðarlega.
- Sjóðurinn Kvika – Innlend skuldabréf sem er í rekstri Kvikú eignastýringar, fjárfestir í skuldabréfinu sem lýsing þessi tekur til sem og Kvika banki móðurfélag Kvikú eignastýringar.
- Í tengslum við töku skuldabréfanna til viðskipta á Aðalmarkaði Nasdaq Iceland hefur fyrirtækjaráðgjöf Kvikú banka hf. verið útgefanda til ráðgjafar við gerð lýsingarinnar ásamt því að hafa umsjón með töku skuldabréfanna til viðskipta á Aðalmarkaði Nasdaq Iceland.